

2157.

1318 d. 1 Aug.

Stockholm.

Hertiginnorna INGEBORG, Hertigarne Eriks och Waldemars efterlemnade gemåler, återställa till Linköpings domkyrka gården Lena i Westergötland, som mot gifvarens, Hertigen af Finland, Biskop Bengts förordnande, olagligen blifvit domkyrkan fräntagen.

Orig. på perg. i Kongl. Bibl. *).

Omnibus presentes litteras Insuper. JNGIBURGIS et INGIBURGIS dei gracia ducisse sweorum. relicte dominorum E[rici] et W[aldemari] quondam ducum ibidem. salutem in domino sempiternam. Nichil est secundum legitimas sanctiones quod magis debeatur hominibus. quam ut ultima uoluntas uniuscuiusque ad effectum debitum perducatur. Sane referente nobis venerabili patre domino Karolo dei gracia Episcopo lincopensi cognouimus quod reuerendus pater dominus benedictus felicis recordacionis predecessor suus dux finlandie testamentum condens curiam suam lænæ in scarensi dyocesi sitam, cum omnibus suis attinenciis mobilibus et immobilibus ecclesie lincopensi que eum ab annis puerilibus educauerat reliquit nomine testamenti. sicut in suo testamento. per sedem apostolicam confirmato plenius edocetur. quam curiam per assercionem fidelium nostrorum consiliariorum didicimus minus rationabiliter ab eadem ecclesia fuisse processu temporis reuocatum contra uoluntatem testatoris. quam utique inuiolabilem conuenit obseruari. Nos igitur ad instanciam eiusdem domini. K. episcopi lincopensis de consilio fidelium nostrorum curiam eandem cum omnibus suis attinenciis mobilibus et immobilibus prefate ecclesie lincopensi restituendam decreuimus et restituimus per presentes ob remedium animarum dominorum nostrorum predictorum, Omni nobis et heredibus nostris adempta facultate curiam prefatam inquietandi seu ulterius repetendi. Prohibemus igitur nequis ecclesiam lincopensem. super possessione seu proprietate eiusdem curie decetero inpeterè audeat seu aliquo modo infestare. contra tenorem restitutionis de eadem curia per nos facte, unde ad premisorum euidentiam firmiorem. sigilla nostra. vna cum sigillis dilectorum consiliariorum nostrorum dominorum mathie kætilmundæson dapiferi nostri. byrgeri pætersson. hoo niclasson. et thurkilli andrisson presentibus sunt appensa. Datum Stokholmis. anno domini. M^o. CCC^o. XVIII^o. in festo sancti petri apostoli quod dicitur aduincula.

Sigillen N. 1, 4, 6 bortfallna, remsorna qvar; N. 2, 3, 5 mer och mindre skadade.

*) På samma ställe förvaras ett annat originalbref, af lika innehåll, endast med obetydliga variationer i afseende på stafningen af några namn och årtalets betecknande. Af sigillen finnas N. 1—4 i behåll, skadade; N. 5, 6 borta, remsorna qvar.